

Tut quei ch'ins sto saver sur dil parcar ella vischnaunca da Tujetsch

1. Tgei zonas da parcar datti ella Vischnaunca Tujetsch?

Tut ils parcadis en nosa vischnaunca ein ella „zona alva“ e suttamess a taxas. Tut tenor il liug variescha il cuoz da parcar gratuit.

2. Con ditg sa vegnir parcau gratuit?

Tut tenor il liug dil parcadì datti differents cuoz da parcar gratuit. Parcadis che secattan en vischinonza d'in hotel, d'ina ustria ni d'ina fatschenta han in cuoz gratuit da 1 ½ uras. Ils parcadis tier il Bogn Sedrun ed il Lag da Claus han in cuoz gratuit da 3 uras ed il parcadì dalla piazza da sport Dulezi ha in cuoz gratuit da 3 ½ uras. Tut tschels parcadis han negin cuoz da parcar gratuit.

Impurtont: Era sch'ins parchescha mo enteifer il cuoz da parcar gratuit, sto ina dallas apps da pagament Parkingpay, Easypark ni TWINT vegnir activada.

3. Datti in cuoz maximal da parcar?

Cun excepziun dils parcadis cun scamond da parcar la notg ed il scamond da parcar sil parcadì Scola Sedrun Sut (liverdis dallas 07:00 entochen las 17:00 uras) eisi lubiu da parcar cun in cuoz nunlimitau.

4. Pertgei datti certs parcadis cun in scamond da parcar la notg e tgeinins ein quei?

Per possibilitar la rumida da neiv vala naven dils 1 da december entochen ils 30 d'avrel in scamond da parcar la notg naven dallas 24:00 entochen las 07:00 uras tier ils suandonts parcadis:

- zona 5 Denner
- zona 8 Bogn Sedrun
- zona 11 Staziun ost
- zona 12 Staziun vest
- zona 15 Ischi
- zona 17 Tgèsa communal

5. Vala l'obligaziun da pagar taxas era la fin d'jamna e la notg?

Priu ora dil cuoz da parcar gratuit, che variescha tut tenor il parcadì, stons ins adina pagar las taxas.

6. Sco san ins pagar las taxas da parcar?

Las taxas da parcar san vegnir pagadas bar ni sur las apps da pagament Parkingpay, Easypark ni TWINT.

7. Han tut ils parcadis ina ura da parcar?

Na, mo ils sis gronds parcadis han ina ura da parcar, tier las qualas san ins era gest pagar la taxa da parcar per ils parcadis vischinonts.

8. Tgei cartas permanentas datti e con cuostan ellas?

Las suondontas cartas permanentas san vegnir acquistadas:

- carta dall'jamna CHF 50.00
- carta dil meins CHF 150.00
- carta digl onn CHF 420.00 (schan. – dec.)

Ei sto vegnir risguardau che la carta digl onn sa vegnir tschentada ora sin duas numeras d'auto, astga denton vegnir duvrada el medem temps mo per in auto. Sche quella opziun ei giavischada, eisi necessari d'acquistar la carta digl onn tier l'administraziun communal. Ina carta da parcar per hosps d'ina habitaziun da vacanzas ei medemamein d'acquistar tier la vischnaunca.

9. Ei il prezi da CHF 420.00 per ina carta da parcar adequats?

Gie, il manteniment e la rumida da neiv, che sto vegnir fatga entochen 40 gadas duront in unviern, caschunan gronds cuosts.

10. Nua san ins acquistiar las cartas permanentas?

Cartas da parcar dall'jamna, dil meins ni digl onn san vegnir acquistadas directamein tier ils parcadì sur las apps da pagament Parkingpay, Easypark e TWINT ni tier l'administraziun communal.

11. Astgan ins parcar cun las cartas permanentas sin tut ils parcadis?

Na, sin suandonts parcadis eisi **buca** lubiu da parcar cun las cartas permanentas:

- zona 5 Denner
- zona 8 Bogn Sedrun
- zona 12 Staziun vest
- zona 15 Ischi
- zona 17 Tgèsa communal
- zona 24 Lag da Claus
- zona 27 Alp Tschamut
- zona 28 Pass Alpsu

12. Datti ella vischnaunca da Tujetsch era zonas cun scamond da parcar?

Gie, per liung dalla via principala Via Alpsu han ils vitgs da Bugnei, Sedrun, Camischolas, Zarcuns, Rueras, Dieni e Tschamut ina zona cun scamond da parcar. Quei vul dir, che enteifer quella zona ei il parcar mo lubius sin ils parcadì marcai e signalisai.